

WIDEGREN

DE

REGNO CHATAJA



BIBLIOTECA PROVINCIALE

*misc A. 32.227*

Armadio

*g.*



*g.*

Palchetto

Num.° d'ordine

*174*

NAZIONALE

BIBLIOTECA

**B. Prov.  
Miscellanea**

**A  
32**

**227**

**NAPOLI**

VITTORIO EM. III



D. D.  
*Dissertatio Historica*  
DE  
REGNO CHATAJA  
EJUSQUE  
METROPOLI KAMBALU

Cujus Particulam Primam

Quam,

*Nutu Incliti Ordinis Philos. Lundensis,*

PRÆSIDE

**MATTH. NORBERG,**

Lingu. Orient. & Græc. Lingu. PROF. Reg. & Ord.

Societ. Scient. Gætt. & Musæi Paris. Corresp.

& Societ. Educ. Memb.

PRO GRADU

*Modeste Subjicit*

**SVENO JOHAN WIDEGREN**

Smolandus.

*In Lyceo Carolino, D. xxx Martii MDCXC.*



---

LUNDÆ,  
LITTERIS BERLINGIANIS.

IN SACRAM REGIAM MAJESTATEM  
MAGNÆ FIDEI VIRO  
REVERENDISSIMO DOMINO,  
DOMINO  
**OLAO WALLQUIST,**  
Inclitæ Diœceseos Wexionensis EPISCOPO,  
Maxime Venerandi Confessus Sacri PRÆSIDI,  
Gymnasiorum Scholarumque per Diœcesin EPHORO,  
SACRÆ REGIÆ MAJESTATĪ a Concionibus SUPREMO,  
&  
Consistorii Aulici PRÆSIDI,  
SECRETARIO Expeditionis Ecclesiasticæ Regio,  
Summi R. Concilii, quod publicarum rerum præparandarum  
curam gerit,  
&  
Equiti de Stella Polari Fulgentissimo,  
NOBILISSIMO ET EMINENTISSIMO,  
**MÆCENATI MAXIMO!**

SACRUM.



## §. I.

**C**haraja, antiquissimum & potentissimum regnum, multos & claros habuit scriptores, distractis autem sententiis: quod propter regionis longinquitatem & itinerum pericula minime mirandum est. In his tenebris, in his curis rara est nostri temporis felicitas, ubi & vetustæ & præsentis ætatis ingenia & opera in rei ambiguae cognitionem contendere liceat. Non desunt auctores, quos diligenter sequamur, nec testes, quibus libenter credamus. Et quidem hi non unius sunt temporis, loci & generis, ad augendam narrationis fidem. Auxilio nobis venit uterque orbis, oriens sua luce & voce, occidens sua fide & veritate. In subsidiis Muhammedanis eminent duo libri, alter *Kanun Name*, alter *Ruz Name* appellatus, quorum illum & majorem *Nomocanon*, hunc & minorem *Calendarium regionis Chatajæ* interpreteris. Si piget, auctorem posterioris ignorare, haud pœnitebit, scriptorem prioris cognoscere, ut quantum illitribuendum sit auctoritatis, intelligatur. Schaharach princeps, Tamerlanis Filius, & Chorasanæ Imperator, cum anno Hegiræ 822 ex magnatibus regni legatum Schadi ad regem Charajæ mittere statuisset, socium itineris

itineris ei dedit ex sapientioribus unum, nomine Gajàs Eldin notum: cui præcepit, ut quicquid notabile a suo inde exitu ex Herat usque ad suum reditum videret, id litteris mandaret. Jussui stetit obsequium, & reditus post triennium factus est, diligenter visis & perscriptis imperii Chatajani institutis: quorum origo in capite memorati libri *Kanun Nume* decimo tertio sic exposita est. Mulier, nomine Luzi, ex regia stirpe Turcarum generata, cum imperatrix creata esset, leges, quibus regnum administraretur, condendi necessitas incidit. Quo tempore Kezin, Chinenfis, homo sapiens, imbecillitate reginæ comperta, eam accessit, & dignitatem Viziri obtinuit. Hic vir personam civitatis consilio & judicio gerens, canones in librum adscripsit, & testamento effecit, ut, qui orbem Chatajanum regere vellet, ad legata in illo codice præcepta se componere deberet. Tanta erat harum sanctitas legum, ut qui Imperator rerum novarum libidine eas mutare voluerit, magno peccato obnoxius, suo throno deturbaretur. Et quidem si contra fas & jura ter egerit, non solum ipse imperio summovebatur, sed etiam ejus liberi, ne legum contemtrix familia succederet, paterni criminis culpa tenebantur. Hæc rara peregrinatoris monumenta, quæ Ibrahim Efendi ex Persico in Turcicum, noster autem Præses ex Turcico in Latinum vertit mihiq; dedit, in præsentī materia magno usui erunt & ornamento. Sed in partes etiam veniunt nostri orbis annales: in quibus princi-



principem sibi locum vindicant, quos Italus, ingenio ingenique itineribus felix, diligenter condidit. Hic homo, nomine gentilitio & patrio Marcus Paulus Venerus, & duplici in orientem itinere (unum anno 1272 Chr., alterum triennio post suscepit) cognitus, mediterranea Tartariæ peragravit, extrema Asiæ vixit, & per septemdecim annos in aula Chatajani Imperatoris Magni Cham Kublaj vixit: quo temporis spatio animum hujus principis sic sua virtute & sapientia sibi devinxit, ut otii illius & negotiis domi forisque interfuerit. Quæ autem vidit, audivit, redux in patriam factus, bona fide & ex memoria descripsit; tamen fidem ubique non postulat, sed ut veritatem ex propinquo vel longinquo cognoscendi occasio fuerit, jam comperta affirmat, jam relata refert. Utcumque vero de hujus & supra memorati scriptoris judicio & auctoritate existimabitur, utile & jucundum erit, studia utriusque & opera intueri & conferre: de quibus deinde quisque ita judicabit, ut nec singula in veram partem credule, nec omnia in falsam temere accipiat.

## §. II.

Chatajam regionem multi Auctores, Historici & Geographici, passim memorant; illius autem nomen, licentia vetustatis & humanæ inconstantiae vitio, varie scribunt. Persæ, Arabes & Turcæ: Chata, Chataja, Chataj, Kara. Armeni: Chata, Chuta. Græci: Chatæa, Kathea. Nostrates: Cataj, Kithai, Chitaja,



Chitaja, Chitea. Hæc regio alias Tamgagi dicitur *a*), quod nomen ex Tenguju, Sinenſi imperatorum titulo, Arabice detortum eſſe videtur *b*). Strabo vero Cathæam ſuam etiam Sophitis regionem vocat: quod nomen rex hujus terræ tempore Alexandri habuit *c*). Appellatur etiam a nonnullis Karakithaj, i. e. *Nigra Chataja*, Turcico vocabulo Kara *nigrum* ſignificante: quod multis locorum nominibus præſigi ſolet. Hic autem titulus non ad totam regionem, ſed aliquam ejus provinciam pertinere videtur. Solenne eſt Orientalibus, terras, maria ſactionesque colorum vocabulis diſtinguere. Sic Turcis Pontus Euxinus Kara den—iz, *Nigrum Mare*, Mare Mediterræneum Ak den—iz, *Album mare*, dictum. Sic in Perſia una ſactio regum Kara Kojunly, *Nigri Arietis*, altera Ak Kojunly *Albi Arietis* appellata: alia plurima ejusmodi exempla ut taceam. Unde autem Chataja, late ſic dicta, nomen habeat, & quid vocabulum ſignificet, difficile eſt diſſerere. Sunt, qui ex ſuo ingenio fingant, *deſertum* Tartarice Chata dici. Magis placet eorum ſententia, qui hoc nomen a fluvio vel lacu Kithaj, utroque in his terris obvio, deducunt. Nec conſentiunt eruditorum mentes & voces, quis ſit ille terræ ſinus & reſceſſus, cui omnis oriens nomen Chatajæ dixit. Ne autem ſententias, quæ plus

*a*) ita Iben Said apud Abulfedam habet.

*b*) Sic conjicit J. Golius ad Alferg. p. 106, & addit. de Catajo p. 10.

*c*) Curt. Lib. IX, c. 1.

plus speciei quam veritatis habent; in fastidium lectoris enumerem, statim opinioni eorum, qui Chatajam esse partem Chinæ borealem contendunt, accedere licebit. Nec desunt argumenta, quæ hanc fidem nobis faciant. Hoc probant ipsi fines Chatajæ, quæ egregiis munimentis, naturæ vel artis, a septentrione spatiis deserti vel miraculo muri, ab oriente & meridie fluctibus & saxis oceani, ab occidente præruptis montibus & angustis faucibus, velut orbis in orbe, circumscripta fuisse memoratur: quæ omnia de China valent. Nec differt numerus provinciarum, habitus incolarum, & status artium. Nam Chataja novem regna ad austrum, sex autem ad boream, fluviiis & aquæ ductibus in commercantium usum frequentia, habuisse dicitur: quæ cum quindecim Chinenſis imperii provinciis, singulis in speciem mediocris regni vastis, multorumque fluminum in opportunitatem commercii plenis, optime conveniunt. Cæterum eadem utrobique memorantur ingenii dotes, animique virtutes vel vicia: par mentis sollertia, & calliditas, nec minor ad quæstum & artes propensio, quam ad fastidium usque prolixa & superstitiosa urbanitas *d*. Nec aliter sentiunt varii, antiqui & fide digni scriptores, qui vel ipsam Chatajam vel vicinas terras viderunt: J. Carpinus, Papæ Innocentii IV ad Chamum Tartarorum nuntius, G. de Rubruquis, Ludovici IX, regis Gallorum, ad eundem imperatorem legatus, M. Paulus Venetus, hujus

*d*) C. A. Mulleri disquisitio de Chataja.



hujus principis in Chiuenſi urbe Yangni præfectus, Hayto Armenus, dominus Curchi, regisque Armeniæ conſanguineus, Abulfeda, Arabiades, alii- que: qui omnes uno ore conſentiunt, Chatajam ipſum Sinarum regnum eſſe *e*). Hæc tamen ita accipienda eſſe puto, ut, quemadmodum pars Chinæ borealis cum vicinis regionibus paſſim Chataj vocabatur, ſic deinceps, occupato per Tartaros Chinenſi Imperio, totum regnum Chataicum appellatum ſit.

### §. III.

Jam autem ſequitur, ut breviter diſſeramus, qua vi & ratione ſumma Chinenſium potestas in Tartaros delata ſit. Chinenſe imperium, conſiliis magis & legibus, quam armis & caſtris partum & auctum, poſtquam per longam ſæculorum ſeriem bonis exemplis floruerat, luxuria tandem & avaritia, præcipuis mali & publici & privati cauſſis, paullatim ſemetipſum conſicere cœpit, donec eo perventum eſt, ut peregrino & externo ſubſidio, credentibus fallaci & ſperantibus infido, opus eſſet. Ambitio principum civiumque ſeditio neceſſitatem petendi a vicinis auxilii fecerunt: quod autem remedii genus ipſo malo pejus evaſit. Tartari a ſeptentrione in partes vocati: quibus in pretium ſuæ operæ plures regni provinciæ ceſſerunt. Data autem acceptaque parte, cupiditas totius orta, & opes hominesque rapiendi perdendique libido ſe-  
cuta

*e*) loc. cit.



cuta est. Magnus ex hoc metus, magna ira indigenis: qui ipsi segnes & desides, alios Tartaros ex oriente adversus prævalentis populi vires sibi adsciverunt. Nec defuit victoria, sed brevi usu. Hospites enim, hac calamitate non fracti, sed erecti, paucis post annis animum & impetum resumferunt, & magno prælio commisso, ipsam regni sedem Nankin ceperunt, regioque palatio incenso, obsequia & tributa injunxerunt. Afflictis non alia jam spes salutis ostendebatur, quam quæ in virtute & opibus Tartarorum Mogulensium ponebatur. Exitus autem non opinioni, nec fortuna votis respondit. Hi enim homines, qui ad arcendam vim advenarum vocati erant, pulso & horum & Chinesium nomine, soli imperio potiti sunt, duce Chan Kublaj, Chi-tsü alias dicto, Mogoli quinto imperatore, & Chinenfis dynastiæ Yven conditore e).

#### §. IV.

Hic autem princeps Kublaj, non minus in pace quam bello egregius, ubi tali modo Chinesse imperium ad illius arbitrium transierat, veterem regni sedem Ciandu, alias Jons appellatam, sibi quoque metropolin elegit: in qua maximum & pulcherrimum palatium, marmore & auro distinctum, exstruxit f). Hanc regiam ambivit nemus,  
b  
fontibus

e) Du Halde & Histoire Moderne des Chinois &c.

f) P. Venet. Lib. I. c. 65. Armen. Histor. Orient. c. 19. Auctor libri حبيب السیر *jacundum* sp. *Elaculum* dicti nomen *Ciandu* per چنگو Djan—du exprimit.

fontibus & fluviis irriguum, campis amœnum, & animantibus varii generis plenum, in quo medio ex arundine contextum, & intus ac extus auro & figuris ornatum erat tabernaculum, egregium adversus imbres & tempestates tutamen, & imperatori propter salubre aëris temperamentum æstivo tempore domicilium g). Ut autem plus intervalli & minus periculi ab hostium proximis finibus & infestis excursionibus esset, decus & robur imperii ad interiora regni transtulit, & urbem Kambalu h), futuram regiminis sedem, & hodiernam Peking, apud flumen Pulis i) condidit: quæ brevi fastigium

g) P. Ven. loco cit.

b) Khambalu i. e. *Urbs Regis*, auctore Gajas Eldin: quam interpretationem confirmat L. Lange, hoc nomen a vocabulo Turcico *Chan* i. e. *imperator*, & Mogulensi *Bolab* i. e. *urbs* deducens. Hunc titulum, quem peregrina Arabum ora in Chanbalik mutarunt, habuere alia etiam in China & Tartaria urbes, quamdiu sedes imperii fuerunt. Pallas Neue Nordische Beyträge 2 B. p. 230. Hæc urbs olim vocabatur Ifedon Serica vel Sera: quam *Sinarum esse Metropolim*, refert Ptolomæus Lib. I. c. XI. Horatius Lib. I. Od. XII.

— — — *subjectos orientis oris*  
*Seras & Indos*

Et Plinius Lib. VI. c. XVII. *Seres, Janicio silvarum nobiles, perfusam aqua depercentes frondium canitiem.*

i) Sic vocat Gajas Eldin illum fluvium, quem P. Venerus (Lib. II. c. 27) appellat Pulisachniz, & a civitate Kambalu itinere decem milliarium abesse scribit: & quem ideo a flumine Lukow, tondem milliaria a Peking remoto, non differre existimat Gauhil (Histoire general des voyages T. 27. p. 61). Alius vero amnis, sed manu



gium formæ & fortunæ cepit. Hæc urbs in quadri formam structa erat, tantoque ambitu, ut singula latera sex milliaria Italorum, ut P. Venetus, vel quatuor parasangas Arabum, ut Gajas Eldin refert, habuerint. Murus altitudine viginti passuum, latitudine decem, alboque nitens, præsidium erat in bello, & in pace ornamentum *k*). Per duodecim portas (tres scilicet in quolibet latere), magnifica & arcuata opera, & per totidem suburbia, splendore ædificiorum & numero commercantium famosa, aditus patebat *l*). Hæc urbs in regiones optime divisa erat: dimensi vicorum ordines, lata viarum spatia, ab una porta ad alteram prospectus, & patefactæ areæ, non inscitia ædificandi, sed fortuiti incendii metu *m*). Acceperunt ubertas circumjecti soli, dulcedo & copia profluentis aquæ, cœlique optima temperies: quæ omnia quantum gaudii & amœnitatis, tantum commodi & salutis

b 2

ad

factus, auctore Gajas Eldin, hanc urbem a septentrionali latere interfluit, & alveum habet, qui septem munimenta regii palatii circumit, ædibus oppidi occurrit, ejusque circumjectos hortos irrigat.

- k*) Si passus major intelligatur, qui quinque est pedum, fidem P. Veneti non corroborant, qui affirmant, mœnia Pekingi 150 pedes in altitudinem patere.
- l*) Kanun Name. Du Halde (Description of the Empire of China &c.) The gates, which are high and well arch'd, support exceeding large pavillions, nine stories high.
- m*) Kanun Name. Du Halde l. c. ita: The streets are exceeding strait, almost all laid out with a line—and about 120 feet wide.



ad laborem & quietem incolis attulerunt *n*). Et ne injuriis & latrociniiis, cædi & sanguini in obscuro noctis esset locus, in media urbe ingens pendebat campana, qua vespere ter impulsâ, nullus, nisi summæ casu necessitatis, exeundi foras veniam habuit. Et quibus id licuit, lumen secum ferre imperatum erat. Nec hoc satis. Circa mœnia aulæ mille reperiebantur domicilia, singula decem vigilibus receptacula. Hi homines non nocte solum lumine laternarum & campanarum passim pendentium impulsu, sed die etiam, vigili animo & oculo, vicos urbis & ædes armati obierunt, & terrorem reis, opem innocentibus tulerunt *o*). Ut autem opibus & navibus ad hanc mediterraneanam urbem iter ex Oceano pateret, ingentem aquæ ductum faciendum curavit imperator Kublaj, quem spatio quadraginta stationum cum magno flumine, plures provincias adeunte, & apud Indiæ & Chinæ emporium Zaitum in Oceanum erumpente, con-

*n*) Kanun Name.

*o*) Kanun Name. Du Halde l. c. The great streets, which run in a line from one gate to another, have corps de guard. Day and night there are soldiers - to chastise all - who make any disturbance - The cross-barr'd gates are shut every night by the guard and are seldom open'd, except to persons with a lanthorn in their hand, who are known, and have a good reason for going out, such as to fetch a physician. As soon as the first stroke of the watch is given on a great bell, one or two soldiers walk from one corps de guard to the other, playing all the way with a kind of clapper —



conjunxit p). Et ut terra iter facientibus stabile nec vestigia fallens solum, continuum adversus ardorem solis umbraculum, & latum variumque spectaculum esset, illam viam, quæ memorati aquæ ductus ripam sequebatur, lapidibus totam sterni, satis arboribus utrinque ornari, & fanis pagisque passim distingui iussit q).

### §. V.

Sed labore & opere, opulencia & specie præ cæteris conspicuum erat regium palatium, in media urbe conditum, quadri forma, ambitu quatuor milliarium Ital., colore albo & rubeo, muroque decem passus in altum surgente. In quolibet hujus munimenti non solum angulo, sed etiam latere, & quidem medio, structa erat in magnæ regiæ speciem domus: quæ itaque ædificia in universum octo fuisse dicas, & quæ singula suo armorum generi fuisse destinata scias. Facies palatii versus meridiem quinque habebat portas, quarum media, & omni-

p) Hæc, quæ in Kanun Name habentur, confirmat Du Halde (Libr. cit. Vol. I. p. 325. 326.) qui hunc aquæ ductum hodie Yun-lyang i. e. *Regium Canalem* appellari, a Kublaj sumtuose factum esse, & per majorem regni partem in summam commercii commoditatem transire refert. Et emporium Zajrun, quod P. Venetus (Libr. III. 3. 8) quinque digitis urbe Fuchu distare scribit, esse Chang-Cheu-fu seu Suen-cheu-fu, quod pari intervallo a Fuchu recedit, putat Martini,

q) Kanun Name.



& omnium maxima, regi tantum exeunti, reliquæ autem duæ, & collaterales, comitatui illius patebant. Tribus reliquis faciebus sua tantum cuique porta fuit, in medio posita, & introire cupientibus aperta. In spatio interiori & medio reperiatur gynæceum: quod claudebatur munimento, in similitudinem exterioris & memorati condito. Carebat hoc tabulatis, pavimentum tamen exteriori fundo præminebat decem palmis Summa ars & mira ornamenta in tecto cernebantur. Parietes conclavium fulgentes, & res vetustatis bellicæ, mirabili ingenio effictæ, oculis ingredientium miraculo fuerunt. Totum hoc castrum suo incensum gyro plurima viridaria, frugiferis arboribus confita, & feris varii generis referta, item vivaria, meliorum piscium receptacula, & fluvio ferreis cratibus ad illius ostia munito pervia, continebat. In hanc sententiam M. P. Venetus *r*). Plura, vel diversa vel similia, habet Gajas Eldin: quæ lectori in utriusque contentionem adferre lubet. Palatium regium, duabus partibus, altera interiori, altera exteriori, compositum, septem palatia, hortis, prætoriiis, delubris locisque venaticis omnia instructa, & singula suo usui destinata, habuit. In primo vinearum & hortorum cura erat: in secundo rerum gerendarum, libellorum supplicum, epistolarumque exhibendarum locus: in tertio harum rerum ad imperatorem deferendarum negotium: in quarto omnium rerum, ad servos prætorianos perti-

*r*) Libr. II. c. 9.

pertinentium, sollicitudo: in quinto regales redditus, accepti & expensi rationes, & leonum claustra: in sexto plurima conclavia: in septimo ipsum gynæceum, nulli sexus virilis præter imperatorem patens. In his, pro numero provinciarum, duodecim fuere prætoria: quæ ab uno latere spadones, ab altero filiæ incoluerunt, pulcherrimis tiaris, quas plumis ornabant, auroque intertextis vestibus, quas gemmatis zonis adstringebant, superbientes f). Muri ambientis quatuor lateribus sua singulis erat porta, ex domestico chalybe fusa, septemque instructa cameris: in quarum una, quantum vectigalis ex duodecim provinciis rediit, deponebatur. Per unam harum portarum, ubi tympanum erat justitiæ, rerum oblatarum responsa emanabant: per alteram una vel duabus per annum vicibus in publicum summa pompa prodiit imperator, prætoria visitaturus: in tertiam thronum transtulit interdum, & prin-

f) Du Halde: This palace is a prodigious collection of great buildings, vast courts, and gardens; it is inclosed with a brick wall about twelve Chinese Li in circuit. This wall has battlements along the curtains, and at the angles is adorn'd with little pavillions — The space between this inclosure and the first wall, is taken up chiefly with houses, as well of the officers of the household, as the Eunuchs, and the several Tribunals, whereof some have the care of providing necessaries for the service of the Prince, and others are to preserve good order, decide differences, determine causes, and punish the crimes committed by the domesticks of the Imperial Family.



& principibus, magnatibus & legatis potestatem coram veniendi dedit: quartam angustam ab utroque latere fecerunt effigiat & vincti leones. Portæ autem interioris regię admirabiles erant, laternis & vexillis diversi coloris superne suspensis. Ad lucem harum laternarum omnes socii tribunalis convenerunt, imperatori aliquando ante diluculum egredienti præsto futuri. Si quis vocatus præsentem se in tribunali non stiterit, a munere remotus, in vincula ducebatur. Quo momento imperator thronum, cui draconis effigies *t*), conscendit, cives, advenæ, proceres, nobiles, nationum legati, & munerum candidati ad designata iis loca se turmatim contulerunt, ibique standi modestiam custodierunt. Ad dextram imperatoris Viziri, principes, docti, hominesque militares: ad sinistram primarii scribæ & publici tabelliones: pone thronum eunuchi & filii. Tanta sceptri reverentia. ut nemo oculos ad imperatorem & circumstantem coronam circumferre auderet. In amplo atrio, quod canacula, triclinia, & magnificis columnis innixa tecta circumdederunt, die publici judicii collocabatur thronus, eburneus & pictus, altitudine trium ulnarum, & superstructo umbraculo, sexaginta ulnas longo, quadraginta lato, holoserico varieque ornato, &  
de

*t*) Du Halde: The throne, which is in the middle of the *imperial* hall, consists of a lofty alcove, very neat, but neither rich nor magnificent.

de columnis octo ulnas altis suspenso *u*). His columnis e regione oppositæ erant tres portæ: quarum media regi ejusque necessariis & magnatibus, dextra autem & sinistra reliquæ turbæ patebant. Et in his portis, quibus æque ac memorato throni umbraculo imminabat interior aula, magna pendebat campana, qua ubi signum ante lucem die publici tribunalis datum erat, aliquot millia hominum se in seriem pari celeritate & modestia disposuerunt. Interfuere duo fere millia cantorum & musicorum, qui ab utroque latere consistebant, totidemque millia armatorum, qui speciem majestatis augebant. Sole orto, cortinam, portæ gynæcei obtentam, duo spadones levabant, & initio tympanum justitiæ & dictam campanam ferendi facto, præfecti myriadam, millium, & centum militum, compositi & instructi dextram & sinistram occupabant: quorum sua quisque manu tenebant tabulam, diligenter intuendam. Alio enim oculos vertere, contra honestatem erat. A tergis præfectorum

c  
rum

- u*) Du Halde: The court, which is before the imperial Hall, is the largest belonging to the palace; it is at least 300 feet long, and 250 wide. Over the gallery that surrounds it, are the Imperial magazines of rarities, for the treasure or revenues of the empire, are kept in the supreme Tribunal — This gallery has five doors—three in the south front. Those in the middle are never open'd but for the Emperor; the Mandarins, who come to perform the ceremony before the Imperial Hall, entering by the side doors,



rum loricati & hastati silentia servabant. Ad ultimum imperator solenni pompa exivit, & solium per scalam argenteam, & quinque graduum, conscendit. Duæ filiæ, passis per tempora crinibus, facie & collo nudis, & inauribus margaritifera, ab utroque latere adfuerunt: quæ chartam & calamum in promptu habebant, ut, si quid imperator jussit, scripto mandarent, scriptumque in conclavi traderent x).

x) Kanun Name.

678314

SBW









BIBLIOTECA

NAZ  
B.  
Miss

35  
2